

Phim Hap ban pynshitom na bynta ban ai ia ki
Advertisement
any place
show WhatsApp show my
 for 9774048588
Sa slow Payment Online
 Mobile 9863041599

READINGTON
 Restaurant
Bed & Breakfast
 Maulia Mawlong Niam
 Shillong, Meghalaya
 81320 08254 / 93781 87149
 /87875 66272

Kyrpad ka UDP Amlarem ban kyrshan pura ia u kyrtong RDA

Shillong, iaiong 01: Ka United Democratic Party (UDP) Amlarem Unit ka la khot bad wer ia ki nongkyrshan jong ka UDP ba kin iawer lem ia ki paralok ba kin ym don ka jingsngew pher party hynrei ban ai jingkyrshan pura ia u kyrtong ka Regional Democratic Alliance (RDA) ha ka elekshon Lok Sabha ka ban sa long ha ka 19 tarik, iaiong.

Ha ka jingialang kaba la long dang shen ha ka shnong Pdengshakap u MLA ka UDP na Amlarem Constituency Bah Lakhmen Rymbui uba dei ruh u President u la kyrpad ban pynjop ia u Bah Robert June Bteng Sla 7

Tynrah ka Swift ia ka trok mynsaw jur u nongniah

Nongstoñ, iaiong 01: Ha ka step jong ka lah sngi u Blei ha ka por kumba shiphew baje ei ei mynstep, kawei ka kali Swift rong saw kaba don ia u registration No ML 07 B kaba la niah da u Nebelnes na ka shnong Umsaw, kaba dang mih na shaphang Nongstoñ hynrei haba la poi ha Porsohsat hajan ka ophis jong ka tnad Fisheries, la leit ban tynrah ia kawei ka trok kaba don ia u Registration number ML 07 A 6276 kaba la niah niah da u bah F.Nongsiej na ka shnong Sohpan West Khasi Hills.

Ha katei ka jingia Bteng Sla 7

Wat ba la bun kiba bret nuit dang don kiba pynkhuid

Shillong, iaiong 01: Wat hapdeng ka jingeh kaba bun hynrei kine kim pynleñ nohe ia ka por kaba ki la ioh ia ka jingkhanti. ia kane ka kam lap ha kine ki sngi ba dang step la iohi ba ki la don kumba 2 ngui ki nongtrei jong ka Shillong Municipal Board kiba dang sar ia ka surok ha Motphran.

Lyngha ka jingiohi ba ki la hap ban sar ia katei ka Nala la sngewthuh shai ba ki mad ka jingeh na kadaw ba ki don ki jaka ba dang shah bad lehse ka donkam ka jingiatreilang ban pynkhuid Bteng Sla 7

Da ki spah tylli ki longiing kiba duh noh ia ki jaka sah

Pynstet ki lad jingiarap sha kiba shah lyngshop mariang, bthah u CM ia ki bor distrik



Ki ing kiba la julor na ka jing wan syllad ka eriong ha kylleng ki bynta ka jylla. (Dur : Mawphor)

Shillong, iaiong 01 : U Myntri Rangbah ka Jylla, Conrad K Sangma ha ka sngi Nyngkong u la iathuh ba u la dep bthah ia ki Deputy Commissioner ba kin pynstet ia ki lad ai jingiarap sha ki lanot ba ngat ha ki jingshah lyngshop mariang la kumno kumno hapoh 24-48 kynta.

Mudui ejahar ka HANM pyrshah ia ka CWC ha u SP, dawa ban kem ia u Gopal Dey

Shillong, iaiong, 01: Ka Hynniwretrep A'chik National Movement (HANM) ha ka Lah Sngi u Blei ka la ujur da ka ejahar sha u Superintendent of Police jong ka East Khasi Hills District pyrshah ia u Gopal Dey uba kam ialade kum u President jong ka Coordination And Welfare Committee (CWC), na Shella-Bholaganj bad dawa ruh ia ki Pulit ban kem mardor ia u Gopal Dey.

40 pyrton yn phah ka ECI ban pahara ilekshon ha Meghalaya, ong u CEO

Shillong, iaiong 01: Kumba 40 pyrton ki pulit jong ka sorkar pdeng kin sa ka wan ban pahara hapoh ka jylla Meghalaya ban pynthikna



Bteng Sla 7

ba kan don ka shongsuk shongsaiñ ha kaba iadei bad ka jingpynlong ia ki Lok Sabha election, ka ban long ha ka jylla ka ban sdang naduh ka 19 tarik mynta u bnai.

Buh nombor ka ophis u SP lada don kiba kwah ujoer ilekshon

Shillong, Lber 31: u Superintendent ki pulit jong ka Ri Bhoi District u la pynntip ba ka tnat pulit ka la buh ar tylli ki nombor ba ki paidbah ki lah ban ujoer ha kaba iadei bad ka MP ilekshon lada don kano kano ka jingujor hapoh ka District.

Ki nombor kiba la buh da ki pulit ba ki paidbah ki lah ban ujoer lada ka don kano Bteng Sla 7

Ka VPP ka ong ba kan sa thaw ia ka lawei ka Jylla, hynrei kam pyni ia ka Road Map: HM Shangpliang

Shillong, iaiong 01: Ka seng kaba la ialam ia ka sorkar hapoh ka jylla ka National People's Party (NPP) ka la ther tyngeh ia ka jingkular ba la pynpaw da ka seng Voice of the People Party (VPP) ba ka la ong ba kan sa thaw ia ka lawei hynrei ka khlem pyni ia ki rukom treikam sha ki paidbah.

U Nongai ktien ka NPP u Bah HM Shangpliang haba kren sha ki lad pathai khubor u la ong ba dei ka sorkar hapoh ka jingialam jong ka seng NPP ka sorkar MDA kaba la dep ban

Bteng Sla 7

Jynrat ka eriong ia ka iing ha Mawroh Laitdom, khlad u heprit ba dang 3 snem tam

Mairang, iaiong, 01: Ka jingkie kynsan ka eriong emgit ha ka miet sngi u Blei ha kylleng ka Jylla ka la wanrah ia ka jingiam kthang jong kawei ka longing ha ka shnong Mawroh Laitdom, Eastern West Khasi Hills District ha kaba u khun shynrang uba dang kumba 3 snem tam ka rta u la khlad noh hadien ba ka eriong kaba jur ka la jynrat ia ka ing kaba ki shong ki sah bad bret ia ki brieu sha surok.



Ka iing ha ka shnong Mawroh Laitdom kaba la shah pynjulor ha ka eriong ha sngi u Blei. (Dur : Synñiang)

Ka kmie jong une u heprit uba la tip kyrteeng kum u Wiki Lawriniang, ka la iathuh ba ki la thmu ban pynkit noh ia u sha Tiro Sing Civil Hospital, Mairang hynrei namar ka jingkhyllem jong ki dieng hapdeng surok ka la pynlong ia ki kali ba kim lah shuh ban

Ioh khusnam ka kong Alicia kum ka News Producer ba tbit tam ha ka English

Shillong, iaiong 01: Ka nong Meghalaya Kong Alicia Bakor Phanwar ka la jop ia ka ENBA Gold Award kum ka News Producer bat bit tam (English) ha ka Exchange4media News Broadcasting Awards (ENBA) ba la



Bteng Sla 7

pynlong ha Imperial Hotel, New Delhi mynha ka 30 tarik Lber. Kane ka khusnam ka pyni ia ka jingithuh ia kiba tbit tam ha ka News broadcast ki lad pathai khubor hapoh Ri India.

Ha ka rta ba 26 snem, ka dei ka samla ba khynnah tam ha ka kam ba ka shimti kum ka shift supervisor jong ka India Today TV newsroom.

Ka kong Alicia ka dei kawei na ki producer ba lamkhmat ha ka India Today dow 'News Today at 9' bad u Rajdeep Sardesai, ia kaba ka la ioh ia ka ENBA Gold Award.

Ka dei ruh ka producer ba lam khmat ha ka "Mission 2024" bad ka Preeti Choudhry, kaba la ioh ruh ia ka gold award ia ka best early prime time show nalar kiwei kiwei ki khusnam.

Ha shuwa ban trei bad ka India Today TV, kane ka samla ka dei ka news producer jong ka Republic TV u Arnab Goswami bad ruh ka CNN-News18.

Yn thung tynrai dieng ha ka sngi thep vote

Pynthikna u CEO ban ym shah ktah ki Polling Station ha ka aiom lyiur

Shillong, iaiong, 01: U Chief Electoral Officer (CEO) Dr BDR Tiwari ha ka Lah Sngi u Blei u la lum jingialang ia ki nongialam jong ki seng saiñpynrthei bapher bapher na ka bynta ban pynkhreh ia ka elekshon Lok Sabha ka ban sa long ha ka 19 tarik, iaiong.

Haba kren sha ki lad pathai khubor, u Dr Tiwari u la iathuh, namarba ka aiom lyiur ka la wan, la bthah ia ka tnat Pule Puthi bad ia ka tnat Revenue and Disaster Management ba kin buh

Bteng Sla 7

Maham ka UHM ia ka CWC ban ym padiah kulmar ioh poi sha ka thma ba heh

Shillong, iaiong, 01: Ka United Hynniwretrep Movement (UHM) ka la pynrem jur ia ka jingkyntoth bad jingkyntoth ba khlem nongrim jong ka Coordination and Welfare Com-mittee (CWC) pyrshah ia ka KSU halor ka jingshah pynniap klep ki argut ki bar jylla ha Ichamati ha ka janmiat jong ka 27 tarik, Lber, 2024.

Ha u kyrwob ha la phah da u President ka UHM Bah Charlie J Rani, u la ong, "ka

Bteng Sla 7

Shaeijah ka Committee u Gopal Dey haba shah pynniap u Lurshai : JSU Shillong, iaiong, 01: Ka Jaintia Students Union (JSU) ka lah maham tyngeh ia u Gopal Deu bad ia ka Committee jong u ba kim dei ban pynshit lane kynnoh kulmar ia ki dkhot ka KSU ba ki dei kiba donkti ban pynniap ia ki ar ngut bar jylla ha ha Ichamati.

"U Gopal Dey um dei Bteng Sla 7

Mih ka IAP ban ia syllok shaphang ki jingpang jong ki khunlung khynnah

Shillong, iaiong 01 : Ka Indian academy of Pediatrics (IAP) ka la pynbna paidbah ia ka jingsdang ba nyngkong eh jong ka ia ka "IAP KI BAAT, COMMUNITY KA SAATH" ha ka Ri India baroh kawei, Ka jingthmu ba kongsan tam jong kane ka long ban ia kren bad iatai sani bniah shaphang ki mat baktah ia ka koit ka khiah ki khunlung, ki khynnah.

Kane ka long kum ka jingpyrshang ban iateh kti bad iasnoh lang bad ki paidbah ba bun balang ban pynphriang bad ai jingtip ba kham bniah shaphang ki jingpang ba iadei bad ki khunlung, khynnah ha kine ki 2 snem (2024-2025), kaba long kawei ka mat treikam jong ka IAP ha kine ki snem.

Ki jingpang ba kynthup ia ka Obesity (jingsngaid palat), Measles (Niang Pyrsit) Autism, Down Syndrome bad Thalassemia (jingpang duna snam).

Lyngha kane ka sienjam, ka IAP ka thmu ba ki jinghikai bad jingpynbna kiba iadei bad ka koit ka khiah, kin poi sha baroh ki nongshong shnong bad kan long ka jingmyntoi ia ka imlang sahlang baroh kawei.

U Dr. G.V.Basaravaja u National IAP President 2024, u kren bad iai ban khia ba kane kalong kum kawei ka por jingialeh (Campaign) da kaba ong "Ka Kamram ba kongsan jong ngi ka IAP, ka long ban aibor ia ka imlang sahlng sawdong jong ngi, ban ai jinghikai da ki jingtip ba iar bad ba janañ shaphang ka koit ka khiah ki khunlung khynnah. Namar ka Jingtup bad jingstad ka long kum ka jingkieng ban sngewthuh shaphang ki jingpang bad kumno ban ialeh bad tehlakam ia ki, bad da kaba leh kumne, khatduh ngin lah ban ai ka lawei ba suk, bad ba koit ba khiah ia ki khun ki kti jong ki.

Ha ka sngi World Autism Day, u Dr Vasant Khalatkar Bteng Sla 7

(National IAP President 2025) u kwah ia ngi ba ngin ai jinghikai ba kyrpang ban pynphriang bad pynsgewthuh shaphang ka Autism Spectrum Disorder, da kaba ban khia, ba "Ka jingtup shaphang ka Autism, ka jingai jingsumar ha ka por ba biang bad ba dang lung ka long ka mat bahalor tam na ka bynta ka manbha manmiat jong kiba shah ktah ha kane ka jingpang.

Ka jingthmu ba kongsan jong kane jingialeh ka long ban ai jinghikai, ban Aibor ban iarap lang ia ka imlang sahlng, kumno ban ithuh bad ai jingkyrshan ia u/ka khynnah ba shah ktah ha ka AUTISM.

Ka mat ba kyrpang jong ka IAP shaphang ka AUTISM ka long ban pynsgewthuh ia ki paidbah shaphang ka AUTISM, bad pynshlur kumno ban im

Bteng Sla 7